

INDEX GEOGRAPHICUS. 95

Domini abiit in Sarephta Sidoniorum, mansitque cum muliere vidua, quæ primùm Eliam pane subcinericio, & parvulo pavit, & ipse vicissim à Domino obtinuit, ut hydria farinæ mulieris non deficeret, nec lecythus olei imminueretur ad diem, in qua Dominus daturus esset pluviam super faciem terræ. Sed & viduæ hujus filium mortuum precibus suis Elias viventem matri reddidit. Sareptæ etiam mentio est apud Abdiam Prophetam, v. 20. & apud Luc. 4. v. 26.

Sarohen, Saharin, Selim, varia diversaque sunt unius ejusdemque urbis nomina, aut saltem quæ variè exscripta sunt. Selim est in Tribu Juda, Jos. 15. v. 32. Sarohen eidem Josue 19. v. 6. in Tribu Simeonis, ubi decima tertia, & ultima nominatur, inter urbes tredecim primæ hujus Tribus partis. Saarim aliàs Saharim, 1. Paral. 4. v. 31. etiam ultima & decima tertia inter urbes primæ partis Simeonis Tribus. Nec ulla amplius est horum nominum mentio.

Saron mons in Tribu Aser. Isa. 33. v. 9. de Israëliitarum castigatione: Et factus est Saron sicut desertum. 35. v. 2. de futura eorum consolatione: Decor Carmeli & Saron; ipsi videbunt gloriam Domini, & decorem Dei nostri.

Saron urbs in Tribu Gad, cujus meminit 1. Paral. 5. v. 16. c. 27. Post Principes, Præfectosque, quos David Tribubus, Thesauris, &c. præfecerat, v. 29. Armentis, quæ pascebantur in Saron, præpositus fuit Setraï Saronites.

Sarona aliàs Saron, urbs regia in Tribu Ephraïm. Inter Reges, quos vicit, percussitque Josue 12. v. 18. Rex Saron unus. Urbs ea non longè à Lydda est, cum etenim Petrus Ænæam Paralyticum Lyddæ sanasset, viderunt eum omnes, qui habitabant Lyddæ & Saronæ, qui conversi sunt ad Dominum, Act. Apost. 9. v. 33. & seq.

Sarthan oppidum sive locus, ut & Adon, quousque aquæ superiores Jordanis intumescerent apparebant, dum Israël alveum fluvii pede sicco transit, ex Josue c. 3. in fine. 3. autem Reg. 7. v. 46. de vasis fictilibus, quæ fieri curavit Salomon pro Domo Domini: In campestri (inquit) regione Jordanis fudit ea Rex in argillosa terra, inter Socoth & Sarthan. Sarthana eadem est, 3. Reg. 4. v. 12. Bana filius Ahilud regebat. & universam Bethsan, quæ est juxta Sarthana. Sarthan etenim & Bethsan sunt altera in alterius conspectu, ad utramque Jordanis ripam. Sarthan in Tribu Gad trans Jordanem; Bethsan in dimidia Manasse cis Jordanem.

Save. Gen. 14. v. 5. Chodorlahomor, & Reges ejus focii percusserunt. & Enim in Save Cariath-aïm. Legunt alii in valle Cariath-aïm. Eod. cap. v. 17. Egressus est Rex Sodomorum in occursum ejus, (Abraham) postquam reversus est à cæde Chodorlahomor, & Regum, qui cum eo erant, in valle Save, quæ est Vallis Regis. Facile crediderim & Save Cariath-aïm, & Save, quæ est vallis Regis, eandem esse vallem prope Cariath-aïm.

Scala Tyrionum, Joseph. 2. Bell. 17. Mons est inter Tyrum & Ptolemaïdem 100. stadiis à Ptolemaïde Septentrionem versus; 120. à Tyro in Meridiem.

Scythopolis. V. Beth-san.

Sechrona locus inter Azotum, & Accaronem, Josue 15. v. 11.

Sedada, vicus aut locus in confiniis Terræ Promissæ ad Septentrionem.

Sedada, Numer. 34. v. 8. & Ezech. 47. v. 15.

Segor. Genes. 14. v. 2. dicitur, Bala ipsa est Segor. In incendio Sodomorum Segor precibus Loth servata est, ut ipse in eam fugiens salvus fieret, Genes. 19. v. 23. Sed & statim v. 30. Ascendit Loth de Segor, & mansit in monte: duæ quoque filia ejus cum eo. Hujus loci etiam mentio

Latit.
Gr. Scr.

Longit.
Gr. Scr.

31. 27. 1/2 65. 45.

33. 5. 66. 55.

32. 4. 67. 37.

32. 11. 66. 18.

32. 19. 67. 37.

31. 15. 67. 15.

33. 5. 66. 55.

32. 17. 1/2 67. 30.

31. 37. 65. 33.

33. 23. 67. 39.

30. 54. 66. 50.